



Reakcija menadžmenta JZU-a povodom iznošenja neistina na račun ove institucije

U vremenu kada osoblje Javne zdravstvene ustanove „Zdravstveni centar Brčko“ Brčko distrikt BiH ulaže nadljudske napore u borbi sa pandemijom, pojedini političari koriste svoje slobodno vrijeme da diskredituju sav uloženi trud u namjeri da ostvare jeftine političke poene.

Poražavajuća činjenica jeste i to da se kroz širenje dezinformacija i zlonamjernih izjava, pokušava skrenuti pažnja sa onoga što je bitno a to je zdravlje građana Brčko distrikta Bosne i Hercegovine.

Gore navedeno odnosi se na nedavnu objavu lokalnog političara iz stranke Narod i pravda na društvenoj mreži Facebook. U spomenutoj objavi ovaj političar iznosi neistine na način da prikazuje fotografiju na kojoj se prema njegovim riječima nalazi operacioni blok. Međutim, na fotografiji se nalazi prostor koji koriste isključivo ljekari.

Ono što se vidi na fotografiji objavljenoj od strane ovog lokalnog političara je uzrokovano obilnim kišama, a naše službe su odmah po prijavi doktora izvršile sanaciju u ovom dijelu bolnice. Međutim, doktori koji se beskompromisno bore za naše građane, nisu to definisali kao prioritet u odnosu na problem sa kojim se susrećemo u vidu koronavirusa.

Nažalost, ovom političaru je to bio prioritet. Međutim (ne)znanje o etičkom ponašanju, ovaj političar je pokazao u svom završnom radu.

Ono što nas kao ustanovu brine jeste i spominjanje „žohara“ u Saopštenju stranke Narod i pravda, a u kontekstu nebrige prema našim pacijentima, takve izjave demantujemo i to možemo dokazati obzirom da postoje izvještaji koje su sačinili zaposlenici naše ustanove odnosno HES-a ali i Inspektorata Brčko distrikta BiH, institucije na čijem je čelu do prije nekoliko dana upravo bio spomenuti političar.

Spomenuti političar je u navedenoj objavi iznio niz optužbi a koje se odnose na nepotizam u našoj instituciji, stoga koristimo ovu priliku da mu postavimo pitanje je li nepotizam i to što su za vrijeme njegovog mandata, dok je obnašao funkciju šefa Odjeljenja za privredu, sport i kulturu Vlade Brčko distrikta BiH, u JZU zaposleni članovi njegove uže porodice a neki i na rukovodeća mjesta?

Stoga još jednom navodimo da sve političke igre treba da se odvijaju van JZU-a, obzirom da naši zaposlenici trenutno vode teške bitke, što potvrđuju i zadovoljni pacijenti koji su preživjeli sve ono što sa sobom nosi ova pandemija, nije dobro targetirati ih i JZU prikazivati lošim zbog samopromocije.



U ime Javne zdravstvene ustanove „Zdravstveni centar Brčko“ pozivamo Vas da svoje frustracije liječite negdje drugo, a mi više nećemo imati vremena za Vas jer se borimo za živote naših građana.

U prilogu ovog saopštenja dostavljam Vam fotografije o kojima ste pisali na društvenim mrežama, pa Vas pitamo, da li se ovdje zaista radi o Operacionom bloku JZU-a?

Brčko , 08.01.2021.godine

Menadžment

JZU " Zdravstveni centar Brčko" Brčko distrikt BiH